

毫新終當清淺蓬萊水經制金華要老臣

陳季淵挽章三首

至元十年十二月望陳季淵子次翁道出
平陽以其父季淵喪來告且請詩哀挽故
勉為賦此

筆頭詩話硬盤空詩自工來老更窮玉斧驚傳修月
手且評推絕斫雲翁幽穿洞穴愁山鬼壯極秋濤駕
颶風千古杜陵原上月一丘分照渭城東
大駕西巡始拜公從容樽酒兩都同杖歸河朔志尤
壯詩到秦州氣更雄蓮府晴波奇策在杜陵殘月草
堂空傳家儘慰元龍望湖海諸郎有父風
憶扈

龍旂狩蜀年渡江詩並選鋒先江花冷墮波神泣醉
袖來披玉井蓮已訝羽淵淪老月遽教風骨闕重泉
緬懷春草池塘興雨夜分明夢惠連

挽殷簽事獻臣

扶病南來喜盍簪激揚似為失前禽氣衝牙角空餘
烈響絕朱絃得好音一節儘高完壁事百年誰了蓋
棺心醉魂不到黃壚夜夢繞三山碧海深

微恙

團蒲倚煖病維摩春滿晴窓氣未和兀坐暫容心境
靜好懷安得故人過鐵花繡色青萍暗世事栽培白
髮多却喜郡人相說似春風門巷雀堪羅

至元十一年歲在甲戌上巳日會府倅張

侯明卿治中忽英甫總判張行甫禊飲於
晉源鄉蘭莊刁氏之醒心亭張侯行甫之
子思誠息翁孺侍燕

禊飲蘭亭不可尋蘭莊山水儘清音楊花糝雪溪流
碧野卉留香竹樹深暫脫帕車三日婦却憐時事百
年心一樽快趁芳時醉明日池塘是綠陰

次日奉命簽南征新軍中外騷然者數月

送郭業牘彥實

東西南北送行頻長路青山輾欲塵蓮府有聲推雅
量柳條無計絆行人綠波未要傷春浦白壁難耐久
幕賓後夜月明川口道夢歸先到晉溪春

洛陽懷古

重城繚繞枕印腰二水郊纏會洛橋勢印土中多漢
制錦園林苑訝隨妖山川開闔悲今昔陵谷更遷失
市朝萬古消沉竟何有總成閒話付漁樵

遊澤州青蓮寺

知州事皇甫琰

名山名利不無神掣電轟雷一雨新洗出好山真面
目擎嵐捧翠待詩人

薰風吹雨不沾衣馬趁清涼入翠微硤石兩楹天斧
斷好山四面畫屏圍我來勝地清心地僧說禪機與
教機賴有文章賢判府徘徊登眺久忘歸
斜分一徑下林巒金碧觚稜紫翠間羣嶺秀攢青菡
萏孤峯突出玉湖山鑿開一握乾坤小占斷千年日
月閒浩浩兵塵滿河朔天風吹不到禪關

和前韻

盤盤石磴轉層巒寺隱青蓮六葉間天削斷崖開老
硤雨將空翠繪蒼山偶因戎治終朝畢暫得僧窓半
日間清曉出山還一笑幾時塵事不相關
覽勝都忘骨葛衣谿風吹雨散霏微靈明殿脚金千
界雲抱山腰玉一圍林壑有靈憐俗駕人心無路息
危機風流幸對文章守安得巖棲不更歸
太守清吟句有神興隨山雨一時新身修自是吾儒
事笑殺錢僧說似人

夜過關嶺山

山行四月似涼秋夜半搖鞭下嶺頭心若自憐嘗越
膽歌長不用撫吳鉤風烟動色開中鎮禾稼連雲際

四州碌碌一官成底事春風歸夢仲宣樓

虞鄉道中

中條如畫色蒼蒼過雨晴嵐帶夕光望入王宮饒水
竹路經虞坂足耕桑未容巖桂相招隱自笑微官有
底忙多謝晚風驅暑退笠簷吹作馬頭涼

謁王官谷唐司空表聖祠堂

人去空山草木香撐霆非為漢文章三休方擬遺身
累一債應憐為國亡明月不污黃浪濁清風高並首
陽芳滿斟三詔亭前水拜乞襟靈滌肺腸

慶路伯達八秩之壽

素髮酡顏八十春昇平人物典刑存兩都喬木秋光
老四座春風笑語溫膝下盡歡衣有綵人間無似壽

為尊試從九老圖中看獨覺光榮萃潞門

為鄉人壽

壯年虎穴喜奇探老去幽潛一道龕倚杖看雲追往
事閉門留客了玄談關元氣鬱丹浮頰玄髮雲如綠
滿簪今歲壽堂春色好一簾空翠撲晴嵐

秋澗先生大全文集卷第十五



秋澗先生大全文集卷第十六

七言律詩

壽總管陳公

當年劍履上星辰諫草曾蒙

帝子恩天上聲華瞻北斗人間詩價逼西昆儘培桃

李開春苑暫遣風雲擁戟門誰識節齋清白節西山

晴雪照吟樽

一作洛下梅花
洪上竹
兩都無地着春温

斗間占氣識龍泉兩歲公堂拜壽筵河潤已歌千里

遠化行皆自一身先鈴齋晝掩無私謁坐榻朝懸有

敗羶愷悌我知神所相墮山喬岳未為堅

黃陂曠度吞秋壑卿月光輝炯士林萬目剗裁無錯

節有生匡弼有丹心行春不識甘棠訟濟早終為傳



說霖萬斛明珠百泉水光風都付壽杯深

清明日拉友生李士觀遊長春宮因謁純

眞王鍊師且陪姚左轄商簽院二公高論

時至元八年二月十九日也

鳴珂振轂滿重城花底春光沸玉笙放眼壺天如隔
世侍談仙馭勝登瀛松風韻瑟金鐙靜竹露光寒鶴
夢清且莫臨漪門外去夕陽正在總眞明總眞閣名

送陳按察東還

把臂論交今十年竭來蕭寺重留連已驚秋漢盤孤
鶚更愛清吟障百川桃李春風寒食月關河行色繞
朝鞭此來論列尤清峻愈見行身不偶然

追挽省郎王付蔚

毳幕風翻雪滿床快書初不減元康酒餘綺席冰生
頰事解連環穎脫囊青瑣飛翔天已老白雲迴笑恨
應長杏花春色鄰墻酒前日東城是醉鄉

寒食日韓氏南庄讌集

重城鞍馬壓紅塵春草池塘發興新自擬嘯歌知道
在不分賓主更情親青山似喜談時事白髮空慙滿
領巾默數向來投轄飲不應驚座獨陳遵

贈李濟之修撰

久扈紅雲侍
帝輿襟靈瀟洒氣冲愉絲綸有在人非偶寂寞求音
意更殊已為斯文鏗木鐸共驚滄海得遺珠何當一
片鑿坡月時聽論思為埒鬚

簡寄王推官漢臣今從事彰德幕府表弟
韓從益雲卿自相下來伏審雅候佳勝喜
慰之餘謹以此寄奉別后一笑也

燕市分携已半年客來首問喜清妍
辦教綠鬢看吟鏡儘稱清波泛幕蓮
五袴有歌清議裏一方無事曉
燈前西溪未減東湖勝滿意湖山照酒船

和趙明叔言懷

我初識子禹卿進秋月金盃上碧天
翔集栢臺幾二載稱停文賦每終篇
孤忠自信恒多若萬事安心恐
偶然白髮行年四十五向誰重理伯牙絃

餞陳簽省行臺西夏

鵬搏九萬見扶搖五郡河湟付變調
版籍輸誠湏寶

守孤寒收淚拜文饒天開相府宮儀肅
弓挂崑山節制遥荒服旬綏談笑事太平
勲業在

中朝

一作如對軒墀問時事
便宜先為漢家條

虎落雲間四海家河山初不外幽遐
龍荒要廓朝天道別淚休驚出塞笳
葛亮貴和書有在君魚砥節老
彌嘉多應青碣城頭月無復驚颺漲暮沙

漢家威德際毛鬣牙蘂其中慮阻艱
金節遠開丞相府春光先渡玉門關
正煩烟火通青海未用梯航致
白環銀字詔還知不遠好來彈壓紫宸班

五郡河西右臂連懷柔有策得人先
文昌除目繫誰在帝座回章得汝賢
才氣似公當重寄睽違多感是
中年黃金臺上西山碧莫厭離觴碎筑絃

勅勒川南磧鹵西荒煙回望隔華夷哥舒開府固英
特老范籌邊貴靖綏漢月流光清朔部陰風無力動
牙旗遥知別後相思夢秋鴈聲中第一詩

張夢卿惠奇石

一峯名曰秀華蓋故家物也拊
玩不已作詩以寫其真云

道人解種傷顏玉分供晴窓思渺然夢去恍為天姥
客潤餘猶帶鬱林烟夏雲翠聳形模怪海日紅蒸腹
背鮮我自愛觀無巨細一卷嵩華墮吾前

考滿日言懷書呈侍講顯軒

三載區區簿領間癡床老坐待循遷封章不到回
天筆躬稼終歸負郭田贏得虛名清議裏儘驚白髮
暮愁邊只應一片金鑿月似向衙門照獨偏

題李練師崇聖宮圖姚左丞索賦

滾滾勞生汨世緣練師獨得靜中傳一篇秋水忘言
處滿眼青山曝背眠丹井流光傳大藥玉臺積翠倚
中天方蓬別有冷風鶴華表歸來又幾年

夏日燕集田氏林亭御史諸公留別

濕雲壓樹暮方塘雨洒層軒滿臆涼四海交遊有今
夕一樽情話惜離觴夢驚紫禁煙花老醉盡佳人錦
瑟香老子興來情未已更催銀管按清商

開丞相史公受開封之拜并引

昔鄧禹列侯特參大事晉公入覲重領台
司故韓愈拜章稱舊歷三司之貴雲臺圖
像獨端居諸將之先伏惟開府相公佐翊
勳高封拜寵數以今視昔前後畧同養老

乞言典常尤異伏自傳聞之審不勝慶幸
之心敢綴荒蕪式申頌禱前監察御史王
惲謹頓首啓上

台鼎春回極寵光初聞歡喜倒衣裳百官禮絕汾陽
拜炎運天開漢道昌義激忠精傾列辟坐調風雨會
中央此心久寄華亭鶴夢繞裴家綠野堂

御史秩滿日效樂天詩體書懷

人微每愧居清要祿厚常憂負素餐
勁翮已翰鷹隼健秋霜空落簡書寒
寸心敢謂行身了世運彌深以理觀
三尺素琴中本靜又施絃索向誰彈

上太保劉公詩中統二年

閒雲出岫便從龍羽翼高于四皓功
黃石有書開兩

漢黑頭無地避三公金輪散影連沙界
太乙浮光動竹宮
竝鉢不妨聊爾爾人間桃李滿春風

山人

較來鐘鼎與山林得失何勞拊髀吟
靜對清溪亡俗慮醉逢漁父是知音
滿梳華髮常年雪一片閒雲欲雨心
臨水幾堆黃落葉被風吹去任浮沉
王子行年四十餘幽潛心似糝中魚
倦談時事便情話靜畫靈襟信理書
遇酒祇堪知味止愛吟誰暇計才疎
今冬處置行窩了種竹溪南有草廬

和郝子貞見贈之什兼餞舟行二首

情話滔滔不易量幾年閒處看人忙
時清共樂林居好理到能消客氣狂
脫穎我慙成事遂論詩君乃起

子商布帆無恙秋風裏一棹烟波去渺茫
山人何苦住山城老雪堆門幾度平雅愛雲林無俗
態豈知塵土滿長纓薄田粗足克飢了衰俗無依奈
物輕三十年来老知己此回相送最關情

題韓通甫城南別業

翠竹連村映白沙橫岡細抱一川斜橘林多實長年
藥棣萼留香盡日華雲錦池邊看鴈序秋風門外任
蜂衙自憐獨鶴歸來晚夜夜林丘夢水涯

送子初宗兄出鎮闕臺

飛翔方喜選朝班一表陳情動日邊到郡剖符聊復
爾中年分手倍悽然兩鄉憶望三千里一席親情四
十年明日萱堂壽親處杏花紅點綠楊煙

登臨武堂

吏散公庭百慮衡來登臨武敞高情唐風過陋留遺
儉晉謫移民到健爭千障壺山吟際晚一溝汾水眼
中明悠悠自愧沙鷗雪更道忘機意亦驚

唐山道中早發

時至元九年三月初九日自燕達淇上

沉澹橫空夜向分行穿林影認前却夢殘旋逐車聲
破犬困時牽馬足奔常笑未容耕隴畝一官隨分報
君恩獨憐三載霜臺月空使流光滿薊門

懷舊詩并序

至元九年二月十四日濟南劉漢卿出示
亡友王仲蔚詩軸三復之餘慨焉盡傷因
憶往年在京平時與仲蔚諸人暮春之初

會飲于宿城野務趙媪家凡三次歌酣盡
權同會者六人明日仲蔚賦詩有楊柳青
旗連坐榻杏花春色過鄰牆之句殊為上
軒所賞明年仲蔚從事濟南幕府予亦西
歸淇上自是而後不復相見秋七月聞仲
蔚病疽死歷下忽覩斯作令人又有短氣
者七年之間六客者止存并任與予三人
耳因為賦此以抒梗槩云

遺詩一讀已淒然玉樹臨風墮眼前心擬酒寬終致
疾壽隨中止欲誰憇蜀川寄遠猶如昨伯道無兒更
可憐轉首惠連春草夢月明愁滿宿城煙

辛未歲除夕言懷

此月廿八日尚書省復併入中書省

杯盤草草具錫茶燈燼紅垂夜半花抵掌不憂韓愈
鬼住京空在老坡又素餐御史雖無補畫省除書有
底差新故送迎常歲例春風明日又誰家

大暑

大地洪爐一氣蒸樓居臺處失高層庭柯葉靜風來
絕河漢陰斜氣未澄炎帝戲張千傘火老懷思抱五
湖水齧齧疲瘵無多力遽爾蒸騰恐未勝

挽王修甫

時客歿于燕君有燕都懷古詞內有恨
滿西山秋色之句至元元年在東平時
屢向余道

大梁東郡衛南鄘尊酒論文幾度逢少日才情驚小

杜中州人物惜元龍長歌老驥壺空缺秋色西山恨
轉濃五十五年成底事一丘露草泣吟蛩

奉陪左丞張公尚書李公王學士徒單待
制趙赴禹卿觀稼之會偶得五十六字奉

林下一笑

至元七年
七月三日

常杜城南尺五天草堂尊酒接歐韓晴雲望遠禾方
秀高樹涼多露未乾臺館不煩題綠野林花時許覆
金鞍因君喚起歸田興夢到西溪舊釣壇

遊玉泉山

山腰一逕轉雲蘿照眼平湖漲碧波形勝左蟠遼海
遠風煙還覺玉泉多自憐俗駕來逋客急遣清樽發
浩歌笑拂巖花醉歸去山林鐘鼎兩蹉跎

書懷無簡陳節齋

羞將勲業鏡中看不為無魚動鈇彈兩鬢總隨霜簡
白寸心虛傍日華丹閣中持論談何易事際操存衆
所難羨殺山東陳按察龍光高射斗牛寒

題趙宣撫樊川山中雜詠

蒼崖如削靜烟霏中有高人住翠微夜鶴聽琴依蕙
帳曉泉和月落山扉一龕靜體炎涼理兩眼深明倚
伏機畢竟名高難久卧野猿偷褫芟荷衣

歸潛洞

眼冷朱門鶴蓋陰自開幽洞事幽尋飄蕭書劍三秦
客盤礴風雲萬里心竹澗度涼便夏永藥臼留暖愛
冬深何時為濯長纓土丹竈茶煙共一林

趙樊川

適安堂上趙樊川
擇勝棲心以樂全
神武門前拋組綬
終南山下買林泉
蘭皋秋遠縈吟思
釀甕春香引醉眠
洞口野雲遮已斷
不須重上武陵船

適安堂

草堂卜築近清溪
擬散襟顏似紫薇
幽事相關常起
早老懷能遂任時
違無心出岫和雲
卧有客過門盡
醉歸聞道黃家花
滿樹幾回扶杖到
斜暉

趙公泉

故侯植杖得新泉
寬鑿方池漲碧瀾
恐泛落花歸別
澗要傳清響入幽
彈竹根漱冷縈林
曲蔬圃澆餘到
藥欄已與山中留
故事一泓難着老
螭蟠

未央硯為趙明叔賦

萬瓦垂雲映碧虛
未央雙闕想雄圖
天荒地老千年
後玉潤金堅片月
孤微物偶因題誌
重鉛華留借筆
鋒濡一樽難洗興
亡恨要發幽光賦
兩都

至元七年庚午奉陪憲臺諸公

闕下賀正口號

盤盤帳殿敞
彤廷
天仗宵嚴擁萬靈
玉筍東班分
列辟
龍墀首拜認

前星煙縹螭柱
霑吟袖樂泛仙音
近

御帳歲歲大酺

恩例溥自慙虛薄仰

皇局

贈相者陳士廉

我游都邑已三年無畧匡時待罪愆有問試從陳子
決取徵還似客師賢客師袁天綱子紛紜半是藩閭
客高下能公吏部銓兩眼羨渠明似鏡月評從此索
心先

為遼人劉信甫慶八秩之壽

素髮醜顏八十春豹韜還是總戎孫兩都喬木清光
老滿座春風笑語溫膝下盡歡衣有綵人間無似壽
為尊須知善積餘嘉慶三世何妨是將門

同馬才卿暇日登昊天寺寶嚴塔有懷

高標直上跨蒼穹物外方知象教雄九陌市聲開曉
色兩都喬木動秋風遥憐漢馬屯湘渚安得長書附
去鴻寂歷却墟野烟外誰家簾幙夕陽紅

寄贈德長老

先府君無恙時嘗話河內德上人者系出
貴族享年最高行業極精嚴予以懷衛相
望每思以披覩為快迄未能也近弟誠甫
至自野王云德僧臘已丑今年百有一歲
起居飲啖健若五六十人或問何術臻此
答云無有但休閒心無所用耳性嗜杖所
依歸狀特有瑰異者平生樂從賢士大夫
遊無衲子氣象予聞而喜之豈墨名而儒

行者耶以韓文公有文暢澄觀之作因書
近體律詩簡寄西堂為他年林下一段閒
公案也

一條拄杖老龍鱗扶掖西堂百歲春方寸已明諸佛
果典刑還是定年人笑拈貝葉隨僧供未省緇衣化
洛塵我識阿師中所得溪光山色乃心身

至元己巳八月一日偕馬才卿游聖安寺

滿馬京塵壓市喧捨鞍步入給孤園金錯響泛松風
冷寶月光凝瑞象尊法觀交纏雙井開雨花別是一
乾坤布金不是包桑計空抱危言吐復吞

謂讀明昌間却侯党
竹溪蔡無可等碑

院書懷簡胡員外應奉

束縛長纓領簿曹十年從事獨賢勞癡床坐久疑禪
榻老木風嚴瀉怒濤行路總誇驄馬貴炬蓮何似玉
堂高一彈未就陽城草虛負秋空白錦毛

奉送

大丞相史公行臺河南時用兵襄陽

封衛國公

以平章政事副忽刺出駙馬督視諸軍時
至元六年八月也

無勞繞帳插生犀威德江淮草木知唐室正諮裴出
將楚人休倚漢為池聘通

上國無非補節駐長洲果爾為三百年來常例在恐
令予掣舞嬰兒

寄陳按察慶甫

秋天寥落使星明光動山東百二城
三本有書天下計一樽為地故人情
九江虎渡非無術山東吏人聞公至往往投劾告去故云
漢節輪埋浪有聲老我簿書三萬卷
幾時燒尾看雷轟

跋王內翰與木菴唱酬詩軸

木菴詩筆唐文暢一作老而妍心印多從吏部傳
豹管一窺連壁句月窓慵展碧雲篇
風流豈落明昌後真率當隨靖節肩
留取人間作遺像鬢絲禪榻話它年

追挽歸潛劉先生

我自髭髦屢拜公執經親為發顛蒙
道從伊洛傳心學文擅韓歐振古風
四海南山青未了一丘洹水出

無窮泫然不為山陽笛老屋吟看落月空

繼張相言懷二首

山人踪跡愧搜羅欲負乳松學隱散木分甘遺匠石
薦章誰擬動常何畫叉活計青鳧少曉鏡功名白髮多
好笑住京王御史一官羈滯半年過和
獸思深處鳥虞羅人自人徒貴體和物有盛衰宜辨
早氣從舒慘奈時何眼前逕路黃間迅鏡裏功名白
髮多不只一杯澆醜磊茶煙禪榻儘經過

和韻一作笑倚乳松學隱和

至元辛未冬仲廿四日夜五鼓夢衛南郊
行夢中得頷聯兩句既覺為足成之

春煙樓觀照堤沙夢裏郊行日未斜
幾片雲陰無俗

態滿川桑柘有人家微茫仙境雙鳧客依約春風二月華興適正濃還喚覺一聲鷄唱揭簷牙

跋梁斗南先生無盡藏手軸

昇平豪富林泉主白髮歸來一幅巾世與士安籌國計誰云開府是辭臣江頭宮殿千門闌物外雲煙萬古春休向諸郎訪遺事青山依舊是比鄰

叔良西歸秦中感而賦此

倦客京師半載過翻成西去奈秋何贊房燈影裁清夜渭水春風已白波三虎自疑終致釋五噫從此不須歌終南山色昭陵樹剩着新詩醉兩坡

恨一作樂遊原上昭陵新詩醉兩坡

寄李和甫覓未央瓦硯

好在終南李鍊師未央瓦硯寄何時臥聞客舍三秋雨夢繞畫欄雙桂枝孤月正堪遮老眼片言聊復慰相思研磨縱對峨眉秀中有漁陽萬馬馳

至元辛未秋八月廿八日同長老金燈義

方暨馮君用聶文超劉敬臣王仲通馬才

卿石壽之座主賈君叔良會飲于開泰之

丈室約各賦詩道蓋簪之歡因為賦此

陔殿秋煙老檜蒼春風合座捲吟觴爭傾底裏心能見不怯歌呼興更長風調縱輪韋曲杜新詩驚絕碧雲湯人生無似新知樂安得車輪一夜方

壽徒丹待制至元八年九月十四日

靜盡紛華道義尊立朝今復見經綸論交最厚先君

契提誨終深賤子身世仰仲淹風雅在見來元亮性
情真一杯滿意浮秋菊照映靈椿看玉麟

菊嘆

細菊宮傳笑靨金結根失所最關心鶴欺力弱時來
啄草為藜荒日益侵寶檻移栽容獨秀秋香吟撫伴
孤斟朝來頓覺精神好似喜淵明為賞音

送臺掾趙明叔赴濟南迎侍母氏來燕

寤寐庭闈遠事承南陔詩裏二毛生悠悠望眼門廬
月戀戀春暉孝子情千里秋風吹去馱一天融樂羨
歸程三升紅腐幾年恨老淚縱橫滿仲纓

一作零落悲
風泊滿纓

壽房祖 至元八年九月三日

山立楊休七尺身接人襟度玉能溫慶流淇水宗支
近思洽諸房德義尊扶健不煩鳩刻杖承顏幸備綵
衣孫一枝留在霜前菊細燃清香入壽尊

送李尚書仲實叅知北京行省

遼左要荒節制偏選材真得濟時賢村循殊俗尤宜
簡調餉東兵貴有權軫慮可寬天北闕先聲應徹海
東邊顧慙知己謾馳駕望入秋空鴈影翩

壽紹開外郎十月十四日

襟期出處不多偏秀孕輸君六日先以義取交知己
最開談通俗見才全已將國計籌邊算會見嘉謨沃
帝淵相對莫嗟頭共白歲寒心在老彌堅

繼商樞相韻贈禪師李玄暉

襟期一見若同袍束縛微官笑獨勞方寸證明皆佛
果大千起滅總浮泡馳聲絕藝君能辦汨世天刑我
欲逃坐拂天花聞家數凜然清興雪山高

送和之簽山東按察司事

四道山東事最繁按巡當猛亦宜寬丘菑併在虛危
分根窟深連魏博間風彩儘承綸命重霜威何待栢
臺寒澄清快理征鞍去望絕峻山與歷山

餞參政楊公出鎮軍懷

十載嘉謨沃

帝聰人間桃李幾春風從今民事優游裏轉見

君恩顧盼中寵節我知如李晏救時人道似姚崇洛

陽三月春如畫乘著新詩醉仰嵩公廨堂名

送陳按察赴任山東

簡花霜落控孤應暫覲清揚俗慮澄四道規模開漢
制百城風采望陳登露盤虛警青冥鶴翎吹驚鬪白
錦鷹迴首相思定何處暮雲春樹憲王陵

贈羅徵君

風骨飄蕭到九還一壺天地市朝閑神遊物表冲融
際道在平生出處間笑着割烹要摯鼎擬將忠直動
龍顏濟時好作商霖去未礙經年別故山

孟待制駕之哀辭

我識先生二十年當時過衛亦翩翩遺文載稠聞三
語一賦垂天笑八磚幾日千風汾水客一丘宿草茂
陵阡屋梁曉月驚無復西望令人一泫然

祭子襄先生

先生隱德自崧丘得號墻東四十秋結駟退慚知道
在詩壇吟苦入冥搜眼中着宿有今日地下雷元是
舊遊幾卷閒書總惟底未容拈讀淚先流

寄贈總管韓君通甫暨弟君美兼簡公弼

良友

都門贈別柳條青分袂南來歲屢更三載愧陪驄馬
列久違轉見故人情每憐夜榻聞風雨羨殺韋家好
弟兄蚤晚細傾燕市酒誨堂重醉棣花榮

哭馬孟州才卿名甫相州人

栢臺款晤儘三冬暇日來陪御史驄寺閣納涼憐晝
永野塘轟飲喜君同性情遠出機張外禍福真成倚

伏中至元乙亥濟州同知未滿中堂見召既至以事阻是年秋復除孟州卒南還至邢病死壽四十四

哀大都督史公名權中統初授江淮大都督

陽夏移軍入鄧封指揮旌壘氣增雄優居將幄元多
算威懾荆蠻儘父風士樂死懷羊傳愛戰酣無大上
均功應憐十載龍驤業一慟臨江萬事空

題張府君墳丘子係字行甫曾任官孫二人

龍公祠下府君墳岡勢西來虎豹蹲翠琰盛傳千事
誅青小還有讀書孫喬林氣鬱丘山重一水春涵德
澤溫白首故侯長健在鬢湏着力大于門

姑射北仙洞子既為新道立石且會諸君
子明日大雪仲明賢良賦詩光賀因次嚴

韻以答佳貺

三年判府苦無聲自斷行藏付靜聽翠琰銀鈎留故
事白波青嶂繞螺亭一官自笑頭空白多士相看眼
倍青每藉新詩深慰藉不愁歸詫草堂靈

王衛州挽章公諱昌齡字顯之滄州人

堂堂大厦敞雲居偃植圓杖與藉扶六縣耕桑深道
愛百年魚水應時需望歸王儉風流幕我識鄭侯吏
隱儒河朔諸侯幾參佐愛君終始擅良圖

又

襟韻冲融器識先晚年風節見承宣經綸素抱調元
事綜覈長深作牧篇寒谷暖回衰日愛老天愁絕劍
門煙態懃尚憶臨岐誨惆悵城南是別筵

哭交青州判李叔

洞溪一會乃死別送我西行淚滿襟四海從師有先
子半生急難是初心泉扃不閱無兒感籠樹空瞻桂
劍林會擬並刊遺愛碣廊城臺首御河深

古廊邑在今州治東北一十五里與君別業相對
公嘗云本路之上黨人五代間東徙居衛唐將李
抱貞之後既任潞州
為修治其碑墓焉

別盧漢臣

男兒出處要無慚一意公家性所甘吾子有才無不
可老夫於世本無堪痛連臂骨緣心苦耳變風聾阻
坐談劍佩趨庭君好去建章宮樹綠軍軍

挽杜徵君止軒

泰岱東蟠未了青文章公獨萃精英賦方庾信才華

壯詩到樊川氣格清平日酒杯追散聖一生高節見
陳情風流想在齊梁席未讓鄒枚獨擅名

留別忽治中英甫

四年相待情偏厚千里分携恨若何別駕見淹時共
惜當官能處我尤多輦流自是青雲器金印行懸瑞
錦窠調古自知終寡和青天白眼望君歌

秋澗先生大全文集卷第十六

秋澗先生大全文集卷第十七

奉 誄

大丞相忠武史公

贈太尉翰林學士王磐神道碑

萬國鞭笞走 帝廷堂堂爭識漢孤御元勳高出麒麟
上曠度初無智勇聲儷景去翻髯影駕柱天留在
笏端銘白頭無地酬知己痛為蒼生淚滿纓

追挽元遺山先生

文奎騰彩憶光臨孺子何知喜嗣音

余年廿許以時文

親為刪誨且有文筆重于相推泰山微塵之說即欲
擊之西行以所傳昇予以事不克至今有遺恨云

堯趙正傳公固在陽秋當筆我奚任天機翻錦餘官
樣月戶量工更苦心野叟亭空遺事墜荒烟埋恨九
原深

壯詩到樊川氣格清平日酒杯追散聖一生高節見
陳情風流想在齊梁席未讓鄒枚獨擅名

留別忽治中英甫

四年相待情偏厚千里分携恨若何別駕見淹時共
惜當官能處我尤多輦流自是青雲器金印行懸瑞
錦窠調古自知終寡和青天白眼望君歌

秋澗先生大全文集卷第十六

秋澗先生大全文集卷第十七

奉 誄

大丞相忠武史公

贈太尉翰林學士王磐神道碑

萬國鞭笞走 帝廷堂堂爭識漢孤御元勳高出麒麟
上曠度初無智勇聲儷景去翻髯影駕柱天留在
笏端銘白頭無地酬知己痛為蒼生淚滿纓

追挽元遺山先生

文奎騰彩憶光臨孺子何知喜嗣音

余年廿許以時文

親為刪誨且有文筆重于相推泰山微塵之說即欲
擊之西行以所傳昇予以事不克至今有遺恨云

堯趙正傳公固在陽秋當筆我奚任天機翻錦餘官
樣月戶量工更苦心野叟亭空遺事墜荒烟埋恨九
原深

哭賈叔良別駕

今夏書來墨尚新並冬誰料訃音聞
忍看玉樹摧崐火空遺歌詩靄嶺雲
氣會可能鍾厄例天葩似靳吐
奇芬拊膺慟絕華顛母老淚珠傾
滿練裙

祭館主謝總管

老帥英威上將壇愛君雍雅戴儒冠
依依孺慕懷丘壠煦煦交情出肺肝
惡棘棲鸞終鍛翮蜀江梁險失
驚湍傷心最是蒲中客馬首歸旌揭
素竿

參政楊公挽章

公墓在河南府甲戌以事入路拜其下賦是詩以弔

天孫機杼五雲章簪珥飄飄滿侍
帝旁一札恩光慙

賤子予一命授翰林修撰其詞頭蓋出公手有云行

績百年清議在中堂望隆鳳詔絲綸美吟繞瑤臺雪

片香欲弔風流俱寂寞滿丘秋草近宮墻

挽張簽省

自號順齋老人中統元年授太原平陽宣撫再簽東平行省

漢廷冠劍擁羣雄曾建嘉謀沃帝聰
白筆剛稜驚

柱後繡衣風采照河東鷗來近舍魄先褫
麟出昌時

道未窮一掬西州門外淚不應悲絕獨羊公

留別總府諸公

超超天馬五花紋少日能空冀北羣
事梗不成旬月雅材駕空抱四年勤
情馳北闕煙花禁夢到西山日暮雲
一曲驪歌應恨別麒麟高閣揔殊勲

單學士挽章二首

生平才氣浩無雙彭蠡秋連萬里江
廷議儘高清晰月苦心終對玉堂缸
百年世契先君厚萬斛龍文筆

力扛最喜誨人曾不倦
洪鐘無憚寸槌撞
時論生平愛贊賢
縱橫條列果無前
屈身為道思弘
濟遇事明言見惡圓
韋杜去天總尺五
衣冠埋恨便
千年遙憐晚起山
齋意地下修文恐浪傳

和劉懷州詩韻

二月煙燕城氣未華
添衣風起漫吹花
背陰凝慘松
猶凍藉潤含嬌草
有芽得失正須論
定分低回初不
為謀家長河有路通
霄漢誰遣孤星滯
客槎
荏苒風埃老歲華
羞將勳業照菱花
暖催回鴈舒雲
翼寒勒幽蘭茁露芽
嚼臘宦情無少味
轉蓬身世不知家
客窓一夜江湖夢
醉把長竿繫釣槎
蛛絲拂面喜生華
照眼青燈夜有花
雪屋苦吟饒客

思茶鑄寬煮試新芽
一官除後三移次
十夢春來九到家
遙想西溪墳下水
碧翻瑤灑待浮槎

餞王全州二首

衛連廊却號交衝
比屋休驚未可封
鄉校廢來風俗
壞野田闢後歲年豐
租徭雖免離民衆
官府全更宿弊
重新政慮來無此
切正煩裁減與優容
二十年来舊使君
又瞻皂蓋擁朱輪
試評異政三王
果何似天姿兩漢循
田里務從安靜了
使軺誰計送迎頻
先聲洽久民情喜
聽取隨車一雨春

同劉景融過西園懷古

錦橋西苑正隆修
大定明昌事讌遊
海露恩波鰲作
首花翻瑤艷雪迷樓
三千歌舞繁華地
一片風煙慘

淡愁興廢筭來無五紀至今靈沼詠西周

送高飛卿尹順德

朝家一草舊官空整整新除示至公善政擬超循吏
上寬恩却在詔條中如君悃悃無虛譽所至絃歌有
實功馬首快去紅旆去百泉花柳待春風

有百泉亦

用劉景融韻答客問

寂寂從教笑仲華羈懷坐老竹生花新除海隔無從
問喬木春深恐有芽追逐昔賢慙下惠比量時輩愧
劉家萬言儻作無聞去枉說張侯泛斗槎

西苑懷古和劉懷州景融韻

彩鳳簫聲微曉聞宮墻煙柳接龍津月邊橫吹非清
夜鏡裏瓊華搃好春行殿基存焦作土踏錐舞歇草

留烟野花豈解興亡恨猶學宮粧一色勻

踏錐舞名見景元所錄金人遺事

瓊苑韶華自昔聞杜鵑聲裏過天津殿空魚藻山猶
碧水涸龍池草自春民樂尚歌身後曲弓灣不見舞
時茵絳桃誰植宮墻外露濕臙脂恨未勻

和虞帝廟弔古

分開幽野自虞分山海雄沉載厚坤玄德共瞻天北
極殿基空對苑西門蒼梧雲駕無從叫翠琰顏書固
可尊聞說陵堪比德東風啼損杜鵑魂

和劉懷州韻

雨露中天日有華暖私幽圃亦多花事機不料先根
本顛木其能絕蘗芽老去恋時兼恋闕愁來憂國不

憂家幾多牛渚星邊客空望秋風八月槎

和高飛卿韻

錢卽滿腹好精神人物當年見絕塵常惜仕途知己
少不愁花樣入時新趙張而後材難繼季孟之間德
有鄰早晚青雲臺閣底楊何同作眼中人
春來百草解通神其奈淒風漲野塵一為化權無定
宰百般生意不能新柳含凍眼迷陶宅杏簇枯枝倚
宋隣和氣阻垂關浴體仰空欲問待何人

別高屯田晦之

十年冠蓋幾相逢邂逅燕城讌喜同清賞已歌梨雪
白歸期休負牡丹紅千七曉月鞭聲底一片田旌夕
照中自笑欲歸歸未得草堂無地着盧鴻

卽席壽青陽學士

湖海秋風駐節頻北來猶似漢平津如公合得無期
壽笑我還克不速賓櫻筍厨香驚咄辦江山筆健老
能神玉堂未羨台階貴人道詞臣是重臣

和左山言懷韻

投獻王門匪自謀白駒雖白欲誰留鳥飛魚泳有常
分漏盡鐘鳴合少休老驥志存終伏櫪野人機靜不
驚鷗會依綠野堂邊隱一株青山屋打頭

遊封龍北麓

行近龍峰已稱心粟留聲裏轉青林雨如散髮來無
際山侶幽人喜見臨樹密連岡橫遠障雲低隨馬布
輕陰鹿泉蓋薄何慙厚伴我幽尋尋碧岑

中溪書院

幽尋不為愛山吟
李相巖棲是賞音
身世正堪閒處
着時情尤比嚮來
深風煙物外開
三觀塵土人間望
一霖山若有靈
歆素禱滿泓寒
碧代孤斟

贈知事劉大用

兩椽茅屋打頭低
中有林丘翠作圍
無限雲煙供落
墨總從胸次發
天機一枝湘竹臨
江活萬疊晴山照
眼霏疇昔過門清
話久前身疑是米元暉

即事

古正鹿巷作

徹備虛驚已可懲
更堪行事日紛更
創行有例推諸
老責備無端悚衆情
遼海兵連思魏鄭
廷齡麻壞見
陽城窮愁正遠聞
佳報喜動皇都豈
席生

留別鎮陽諸公赴任濟南

梧桐葉上雨瀟瀟
有侶留連助寂寥
身世未容歸壘
晦羽毛誰欲見雲霄
三年滹水人情好
六月齊州去
路遙回首北潭花
上月時應歸夢到
蘭橈

經史總帥戰處

乾石橋邊野澗橫
分圍曾列亞夫營
雲烟眼底縈蛇
陳草木風前有戰聲
故壘按行傷往事
青山依舊繞
孤城千年帶礪河
山誓輸與汾陽貫
日誠

閔子墓

聖門媿德亞吾賢
顏季氏何知欲浼然
三釜恐貽親
老耻一屨歸臥汝
陽田山禽容與和聲
裏墟墓蕭田
落葉邊兩下頽濱
碑下拜滿杯秋菊
薦寒泉

公堂言懷

勲業羞將鏡裏看，遭時自擬寸心丹。
勉從仕版無微巧，硬着精神博一官。
寤枕夜長憂思悄，公堂人靜雪花寒。
眼中少事能如意，管甚林梢又日殘。

糟魚

霜刀截斷玉腴芳，暖貯銀罌釀粉漿。
錦尾帶頰傳內品，金盤堆雪喜初嘗。
解醒未減黃柑美，雋味能欺紫蟹香。
一筋饜餘乘醉卧，夢橫滄海聽鳴榔。

甲寅歲元日

癡絕何堪應事機，閒心思與野雲期。
覩顏身世緣飢凍，覺老筋骸強拄持。
馬怯力微朝進處，鳥知飛倦暮栖時。
日斜凭暖烏皮几，靜看鑪煙裊碧絲。

挽杜止軒

貧樂能安貴不淫，百年癡海寄浮沉。
閒中今古資談具，物外江山助醉吟。
風義見來先急難，文章拈出更雄深。
追攀逸駕嗟何及，時向逃空得苦心。
一代人文杜止軒，海鬣鯨掣見詩仙。
細吟風雅三千首，獨擅才名四十年。
劍在不沉衝斗氣，神遊多了住山緣。
老天未覺斯文喪，齊魯諸生有正傳。

挽孟德卿

龍驤東下破吳年，談笑從軍侶仲宣。
亡國不驚三月火，捷書光動六朝煙。
當時籌筆何英發，此日題詩倍黯然。
湖海賢郎宜少慰，光揚重見葺遺編。

和張鵬舉詩韻

誰分先覺與凡民
天理中來一氣春
肯效寒蟬啼月
苦放教宛馬到
河神六經之外
皆非學諸子以
來宜
有人自嘆半生
蟬蠹裏白頭無
術動 嚴宸

和張仲常韻

強顏陳力媿周任
閱盡當年得失
林白首好看能
幾
日虛舟相觸果
何心行身誰是
無瑕玉合志能
裁冶
躍金退易進難
吾道事此懷更
比向來深

賦白舜俞多月亭

海岱東開迥地寬
小亭千里入憑欄
一軒風露金莖
濕滿地理瓊瑤
桂影寒興比庾
樓宜不淺飲豪
舒杓肯
留殘使君未老
風流在八表神
遊夢彩鸞
何處人間不夜
天月亭高倚月
初圓玉壺光轉
青冥

路桂影香浮畫棟
烟一櫂蓬瀛知海
近滿庭

秋偏素娥若侍停
杯問愁絕當年李
謫仙

遊佛首山開化寺
至元廿一年四月
八日

挈行者孫健即

盤盤石磴轉蒼崖
山似青蓮四面開
寺古說從兵後
廢官忙喜向靜中
來半泓寒碧供僧
飯一點烟螺認
佛臺我本婆娑林
下客樹頭幽鳥莫
驚猜

遊靈巖寺三首

行入山門已可吟
蔥蘢佳樹總幽尋
氣分嶽秀開金
界鷓鴣陰魔護道
林竹溜遠縈雲磴
落烟螺濃並寺
巖深喚回三十年
前夢此日登臨慰
宿心

余三十年前夢遊一寺其形勢殿舍殆與此不異

路轉峰回墮翠窠陽崖擁抱更嵯峨泉通碧澗來無
盡寺並青山永不磨林壑勝遊緣興適乾坤清氣與
詩多晚鐘似惜遊人去遠泛餘音遠澗阿
絕景亭高勝賞多杖藜到處即摩挲巖虛應磬聲長
殷寺古題名字半訛幾樹幽葩明寶供滿空金色下
烟蘿何時暫謝人間事放眼雲巒入浩歌

送世傑郎中奉使雲南

節旄駐海西陸奮自陳湯一布衣朔雪不辭雙鬢
老長纓直繫六王歸恩波重浹滇池浪赤羽何勞漢
將威想得諸羗迎拜處使華先動玉門扉

余按部奉高故人劉君之子持此詩來謁
感念疇昔已二十有五年矣顧其帑札刊

弊因為重書以遺之庶幾孝標憐西華之
意云爾贅筆如左

漢栢樹

蒼栢無城擁漢陵闕宮遺樹鬱崢嶸崔魏不植明堂
礎造化潛通岳頂靈萬壑烟霏扶傑榦半天風雨撼
秋聲白頭會見東封日照映鸞旂一色青

過沙溝店

高柳長塗送客吟暗驚時序啞鳴禽清風破暑連三
日好雨宜時抵萬金遠嶺抱村回野色行雲隨馬弄
輕陰搔癢喜入淝城界桑柘陰濃麥浪深

長秋官舍

十載隨人戴豸冠望離清秩實多難一身許國無知

已萬事關心空汗顏花樣况非時制巧功名宜為老
天慳季鷹何待秋風起一夜歸心滿故山

觀光三首十三年在都下作

漢家宮闕碧岩堯六合同來不待招非此詎能隆上
國有臣何幸際 昌朝光連

帝極環玄象翠積中天仰鬱霄葵藿寸心深向戀日
華明處五雲嬌

大元

天子壯陪京盡啟燕雲作苑城彩鳳應門千仗肅蒼
龍雙闕五雲明千秋日月低宸極萬國衣冠拜統絃
蟻虬小臣何所祝年年嵩岳聽呼聲

長樂宮成孽宋廷紫微垣外紫烟生明昌受款真兒

劇洛邑營周是小成正朔一家堯曆日青山三面漢
金城 君王神武高千古緘口長沙建治平

壽鹿菴大學士三首十一月初一日

大節中流砥柱標高風孤振張吾曹眼中元老恩方
渥林下淵明氣本豪萬事縱心緣理勝三峰當面與
秋高玉堂更覺台階重蓮炬長看照壽毫

陽春門裏開新第魚藻宮中侍講筵晚節不緣三徑
屈高風終愛五噫賢雅懷老去從多可萬事諳來愈
自然千古六經常道在就中能契是知樞

風節生平以烈聞詞章獨與大蘇親天人重為斯文
主甲子洪開壽域春行草縱心書愈聖歌詩吟老語
彌真穆脩亦是華巔客肯把韓編付授頻

贈友人張彥魯并序

友人彥魯別予四年今歲秋有秦中之行道出淇右時予亦北邁有期尊酒道舊為數日留既而分歧就駕次日彥魯復追及余于朝歌南遂偕與北上前次保塞逆旅追念往事耿不能寐為賦是詩以贈且傷其會合之靡常歡樂之無幾也彥魯諱著世遼東人

北邁南遊有定期半途回駕喜追隨心因年老便多可馬信車前亦緩馳綠綺素深平日雅碧雲饋盡向來思一樽逆旅燈前話莫忘燕垂抵足時

趙州石梁

華表亭亭擁石麟車書萬里此通津天垂蟠踈卷千尺月吐蟾蜍隱半輪片石鞭來能濟險大臣當用合橫身征鞍歸路明年事一片春風柳色新

三臺懷古

萬古三臺作厲階漳流東注若為哀才教逆叛羯奴去又得癩癡帝子來紫陌衣冠森鬼樸芳華林苑墮兵埃夷姦不獨西陵樹苟或穿窬止自裁

壽姚雪齋

散髻飄蕭玉局仙竹風松月共清圓雲閒正際商霖後學與能窺太極前瀛館寵光開壽域太平勲業在經筵殷勤春雨堂前檜細綴冰花點翠妍

慶宋尹母八十壽

樹萱堂背已憂忘金粉蓮苞貯靜香風景四時藏秀
麗慈顏八秩見康強賦中潘岳閒居樂詩裏燕山桂
子芳會看肩羿宮戶底更勝陳氏配東床

贈鄉先生逍遙子

姓韓氏曾為尚書省都司

鶴髮飄蕭玉練顏一壺天地市朝間集芳有驗扶羸
劣野鳥知歸謝往還幽睡不妨紅日晚青山誰似白
雲閒會當華表歸來日重為留題過故關

方

送裕鄉都司南還

前日翰林君送我今朝幽薊我辭君十年契闊凡三
觀五月重遊此重分世事有機難預料後期無恙要
相聞何時沁北丹東稼解緩歸來約共耘

任懷遠慶九十詩卷

朱顏青鬢萬金身九十康強是福人擺脫世紛隨所
適棄拋家事見何親花香北渚杯盤具月滿南樓杖
屨頻更為武公歌壽德一溪淇水照秋筠

北渚謂鎮州北潭也
在時居鎮陽

挽楊春卿先生 曾為衛輝路勸農官

山澤臞仙老使君十年談笑接多聞襟期自是羲皇
上肝膽初無楚越分冀北羣空逢伯樂斗南名重見
田文一丘宿草情何極淒斷無終日暮雲

先生燕王日人無
終玉田東北山

寄壽博山趙總管

予方從事東平日君適分符濮水濱歲曆喜聞開九
秩客來爭說好精神背鮫宛與龜紋秀面頰丹滄鶴

項新特似麒麟圖上見形容全不老於真

壽平章張公時為副樞

十年黃閣富經綸落落蒼髯社稷身公道揀時仍此
在龍門歸譽見來新菊香已辦南豐供綠蟻無煩請
節中壽席今年得佳語太平勲業在麒麟

送商台符赴行臺御史

器識沉明義外方青衫難屈校書行暫虛東閣即君
位要聳南臺勇角霜八道風稜馳使節兩淮殘困是
維揚就中驄馬吾儕事注正官邪最大綱

病目書懷效樂天體

病眼平時視物疑更禁風火內交馳越娃睥目將誰
怒鮫淚傾珠盡日垂氣鬱方瞳昏暈鏡瘡連剛臉痛

磨錐悠悠伏枕三旬苦安得黃金刮目鏡

送按察王煥卿之任建康三首

滿移投上謝癡床五郡河湟作省郎白筆冷搖瓜步
月綠橙香烈洞庭霜虛懷正切平時慮達變終垂後
代芳我老壯心猶未已彈冠端有羨王陽

十年臺省共翱翔機識沉雄義外方金節喜酬平昔
志綠橙香動夜來霜老懷雅有思深慮世故何憂事
過防眼看澄清開八道就中風動自丹陽

五郡河湟已有聲繡衣直指又煩卿思寬注意矜新
附物衆於今慮孽萌牛渚犀燃防過察吳江霜落要
維清行司此去猶堪喜地爽山高眼倍明

送李敬之按察淮東

遼陽三載淹廳幕并府終年貳鐵官桃李門庭慙自
致冰霜肝膽見來寒摧姦老手監司舊復業遺黎暮
枕安想得桐懷東畔月清光先照使君鞍

送馮壽卿簽事

小邑鳴絃踰兩考外臺簽事是榮遷未妨躡足青雲
後已著先聲白鴈前三世名家遺直在百城新附望
恩偏銀鞭莫緩青驄去野鷺羣飛正刺天

寄子初提刑自陝西改授行臺中丞治揚州

監司西去無三月建節東還路八千仕宦得君無重
地澄清有路是瞻天霜封淮甸妖氛靜春入瓊花老
樹妍一策想能康濟了儘堪歸隱百門煙

目疾自警效樂天體

目手相須最切身連宵慘痛可傷神老緣貪得書成
崇壯為傷多酒入唇四大假來皆是苦萬般急遣亦
忘真悠悠未了三千牘束置從今不要親

寄梁榦臣簽事

滿移未貢別癡床去作襄州省幕卽遷拜總緣才力
致激揚尤稱老懷剛離情轉惡中年別衰鬢相望兩
鏡霜每度思君傷馬甫漳州南望白雲長

壽趙同簽九月廿五日

丙年正月下江東榮拜人驚此日同破竹固成王濟
手侍謀多見茂先功松形秀並眉毫健軍務能開世
道公壽席今年更堪賀廟宮修治越裝空

送劉侍御

超騰高品數年間才刃恢恢顧不難百越遠開炎漢
域兩淮爭識憲文冠犀燃牛渚魚龍慘霜落吳江草
樹寒成事自來輸有志不教勲業鏡中看

雨聲

滴破寒更韻未諧芭蕉未了更空塔隔簾響絕玳東
珮入耳愁生索寞懷孤嶼有舟添夜話殘燈無礙耿
幽齋憑君瀉入瑤琴曲並與秋風洛水排

夢焦簽事

在一官署論余除授於某官

前 十月十一日夜

神交初不問幽明夢裏相看儼若生顧接苑同蘭省
日薦揚猶重故人情楓林魂黯人何在落月梁空思
未平枕上兩行知已淚覺來揮却又縱橫

送竄端甫宣慰東平

瀟灑風神見德隅走趨知不利長裾老語所事無多
味却覺閒官是美除 恩詔纔離温室樹甘霖先沛
泰山墟憲陵山色溪堂月剩有詩來當尺書

送杜時舉歸平陽

四載河東頗閱人愛君能靜復能貧一朝夜雨韋郎
話滿眼睛雲玉壘春未分風塵淹駿足不妨麴蘖暫
謀身因君西邁增余興兩夜青山入夢頻

哭張總判行甫并序

公諱倬北燕人姓張氏字行甫姿蘊藉好
賓客官至平陽府判官詩所謂愷悌君子
民之父母者也家藏書數千卷後以累落

職年五十有七終於家晚築龍祠別墅溪
風松月境趣瀟洒酒醞茶竈筆牀釣具有
幽居草堂之樂至元壬申余官冀府暇日
與君徜徉其間者蓋三年於茲醉山頭之
落照起舞鳴歌弄茂陰之清泉沙鷗靜玩
追思往事傷如之何爰作悲歌庶賡薤露

其詞曰

酒病人看指日瘳扣床辭別到彌留歸軒東下纔暮
月哀訃聞來已兩秋白壁冷埋泉壤閔黃壚不隔暮
山稠分明昨夜龍祠夢醉卧藤陰唱石州

君善歌石州慢

學學杖屨桂叢幽常恐山中識故侯野約授書黃石

在菊香浮瓮草堂秋一作滿甕秋香陶令宦情瀟洒
陶彭澤老境浮沉馬少遊何日下車傾腹痛春風吹
淚拜林丘

秋澗先生大全文集卷第十七

秋澗先生大全文集卷第十八

七言律詩

哭節齋陳公五詩

時為浙東宣慰使按行
屬邑回過新昌縣值玉
元山萃盜被害年五十七有六至
元丁丑歲九月七日事也

夷門樽酒罄平生誰料終凶在此行
鬢髮有靈通帝夢越戈無識斷由纓
救時譽在何多得憂道思深耻
近名南望兩行知已淚西風吹却又縱橫

笑談鞍馬最從容遠自南陽到洛中
廷議有方先大節丹心無間總清忠
餘人老去初何惜四海經綸共
望公何日下車傾腹痛喬玄林墓哭秋風

德音宣暢介鱗沾遠調曾辭瘴海炎
寒谷變春方燠休含沙窺影已陰潛
峰摧天柱山雖壞桂折秋風氣

臺灣國家圖書館, NATIONAL CENTRAL LIBRARY, TAIWAN, R.O.C.

秋澗先生大全文集卷第十八

七言律詩

哭節齋陳公五詩

時為浙東宣慰使按行
屬邑回過新昌縣值玉
山萃盜被害年五十一有六
元丁丑歲九月七日事也

夷門樽酒罄平生誰料終凶在此行
鬢髮有靈通帝夢越戈無識斷由纓
救時譽在何多得憂道思深耻
近名南望兩行知已淚西風吹却又縱橫

笑談鞍馬最從容遠自南陽到洛中
廷議有方先大節丹心無間總清忠
餘人老去初何惜四海經綸共
望公何日下車傾腹痛喬玄林墓哭秋風

德音宣暢介鱗沾遠調曾辭瘴海炎
寒谷變春方燠休含沙窺影已陰潛
峰摧天柱山雖壞桂折秋風氣



陡巖伸雪絳寃誰有疏吞聲空向九天瞻煦嫗一作

喻反休虛喻反昭三年晏子曰民人痛疾而或就

代之曰煥休

盛氣橫收蓋代勲揮摩旌壘張吾軍乘時孰計利不

利為善但憂聞未聞千里魂歸關塞黑百年情在死

生分臨風痛瀉長河淚灑斷江東日暮雲

惡棘梟鷲苦未分挺身東下擬鱸吞義酣不信雄驅

慘死守糜酬君父恩寃碧意凝東粵血太招空返

北却魂恢恢三本遺在儘是君侯未沒存

壽繼先侍御

幘幘雲屢鬱雄沉偃植圓杈力儘任持重要端風憲
本耐交尤見歲寒心望隆北海螭蟠譽思入南陔孝

養吟漏泄光風來獻壽綠萱春滿北堂陰

送劉侍御分司上都兼呈中丞

何者功名是丈夫細思初不外民區油油雲葉從中

合盼盼群情待一蘇造命豈容論氣數當筵能盡是

雄圖聖恩思治方宵旰幾問南薰解愠無

題鳳山逸叟王明甫八秩手卷

二子長桓字巨川為旭州尹次
名構字首堂今為翰林應奉

一府名香二十年鳳山歸作地行仙由來和氣薰陶
久不獨天彝稟受全扶健漢更鳩有杖伴吟清獻鶴
隨肩更憐五馬鑾坡貴併領春風上壽筵

杜季明表兄史千載南還荆門索同賦為

錢謹書三詩以贈杜時任中書省
左右司郎中

秀並岷峨萬仞青憶初載酒子雲亭幾年江渚悲鴻
鴈一日沙堤詠鶴鴿共被載融荆樹樂還家不愧草
堂靈中卽儘擅平津閣未分歸槎老客星

干戈漂泊中年後邂逅相看抵萬金風景儘收孤客

淚江山何限故園心一作去國不知江陵心眼中棣萼

春仍好林下詩盟喜重尋南去瘴江無少阻平安休

復到家音

吟看錦水東遊日望入停雲北上時憶弟遠衝燕地

雪聯芳未賦棣華詩風塵拋擲青萍劍一作情思珠

去路留連白玉卮歸到荆門霜尚晚月明江樹影參

差

張提刑子敬挽章

至元十五年六月十五日卒在河南時作塞上曲

云對月笛中生起愴然傷我情秋風一萬里

攬轡南來擬拜君逢人忍以訃音聞救焚有志遺深

愛博物何心泥款文卿月儘輝丞相府史評當策竹

書勲不須更聽西風笛愁滿西山日暮雲

深愛謂北京行省卽中時曾揀授軀戶三百餘家

詩寄季明卽中

中書機務日紛紛海寓披圖萬國賓善斷獨高如晦

策名家復見杜陵人遥憐綠水紅蓮地滿意清江玉

壘春正有揀時心最切更須根本細經綸

暇日登飛仙休逸二臺

老圃臺荒草棘深魏公德業古猶今望隆異代瞻儀

鳳錦爛輕裘憶細吟隴陌按行餘利澤山川包總見

雄襟禽鳥知愛如相語隔葉時聞送好音

詩寄劉清卿都事

朋簪纔盡脫荷囊蘭到升庭見獨芳
毳幕夜書稱快吏冰壺孤抱映秋霜
十年紫禁烟花近四海金華姓字香
南北相望固迢遞久要情在恐難忘

秋日早衙示同僚閭簽事子靖

憲府潭潭尺五天按臨八道儘繩愆
乘時佐理疎明略攬轡澄清愧昔賢
寬宥可稱須有制事唯無諉乃能全
所行果計無尸素放枕能安一夕眠

慶趙仲器母八秩

遐壽能康世所稀滿前蘭玉更熙熙
氣克自得豐長稟德厚能高九十儀
秋月簾櫳來婺彩春風蟾背看

彤芝燕城勝事今誰最聽取共岩介社詩

柳實詩宣慰高飛卿開宴出示此菜邀諸

君賦詩西溪首唱僕乃賡焉

坡仙帖裏藹餘馨炎帝圖經見典刑
辨削異樽陪北海暖包香霧自南溟
摩挲朽腹疑藤癭雋永天漿勝楚萍
吾子好奇時引飲沙頭閑却玉雙鉗

寄叅政相公

不覲清揚近一年依依情在鳳池邊
碧雲思遠餘千里紅藥階升有二天
兒輩初官儋好爵寵光沾喜動重泉
白頭無計酬知己會有文章見簡編

和西溪韻送良弼提刑赴憲臺之召

拳拳幾御大賢車

謂張平章張左相姚雪齋也

氣量弘深見步趨

望重正煩天下計人和愛及屋頭烏百年笑我遽如
許一日似君其可無雅俗自來推坐鎮簡花奚待筆
端區

百城方聳使君車遽應旌輅內殿趨儀羽望清初振
鷺栢臺陰肅已翔烏人材輩向朝中列天下看來一
事無教路清寧固佳政經綸何似被綿區
南來和氣擁輜車佩玉長裾利走趨阿閣再鳴曙彩
鳳月明三匝笑驚烏事機應運深還淺才氣多君有
若無輿論功名果何在此心初不外民區

送李士觀還壽春幕府并序

士觀友愛來辭促膝道舊眷眷有不能別
者仍以親老地遠佳眠食是祝士觀請即

此為贈因率爾賦焉見合肥王尹立夫為
寄聲兼達茲懇云至元己卯重午前三日
也

去年首夏別燕城今歲清和會返京相顧鬢顏成老
醜不緣貧富異交情春蘭句好香生席歸路舟輕月
滿旌地接兩淮終瘴濕身安之外總虛名

挽禮部丁公即中漢署當

筍班出佩紫荷囊漢署當年列鴈行學古不回平日
守德方誰似老來剛眼中蒼舊雲烟盡身後詩書坎
掩香臺閣清風有餘凜一丘埋恨吹臺旁

相下送舍弟之官鄧鄙時為竹監使

十五年中三聚首一千里外兩相望春風却北重分

袂喜雨漳南夜對床雲路暫淹騏驥足江沙晴護鶴
鵠霜公餘正要加餐飯陽武同宗只二房

舍弟仲略生朝

十六年己卯五月廿一日時寓史開府宅

江漢堂深畫錦妍亭亭花影舞胎僊一樽此夕歌鴻
鴈滿意薰風醉管絃遺業繼承心共切此身加健壽
為先飄零南北初無定正要相看棟莠偏

送千秋都司任密州諸城令

竊效贈言代抒衷素

梁苑相逢傾蓋初照人秋水出芙蓉應憐世事方多
故却恐微官似美除處已道方何喜愠濟時舌在儘
紆徐下車莫後神明政楚幕晤烏待報書

至元十六年歲在己卯四月十一日偕大

同郭天錫佑之大梁劉衝漢卿天黨李昌

齡千秋遊內梁門西大佛寺寺即宋寶相
院也主僧郭里人臘七十餘相與會堂東
丈室坐間話文字及壬辰歲京城警嚴令
人慨嘆久之佑之為放聲長歌劉起浮大
白者數行懷仰之思渙焉冰釋然後知盛
衰之不恒哀樂之無端也開口而笑頰何
厭焉遂留題而去侍行者安陽楊遵義甫
帝城何處散春襟花木禪房一徑通共訝殘僧談世
故却憐閒燕得諸公風雲心事誰能了歡樂朋從豈
易逢聽徹清吟歸路晚金明池沼夕陽紅

山陽偶與大繼長相遇自辛亥年相別至
今廿八年矣追念疇昔作詩為贈

解鞍林下振清埃懷抱樽前得好開白髮滿頭心事
在青山當眼故人来風流自有高賢識感慨還深漂
母哀讀盡深香轉蕭爽清吟不到伯倫臺

深香係繼長父宜之文集號曰深香
閒適于此行本擬遊石巖不果故云

漢東陽武太守臧公廟

袁曹形勢兩鳴泉趣向終非翊獻朝軟血正圖扶漢
鼎殺身何獨為張超荒城草閣遺壇在喬木風高烈
氣飄琳也為思名節正有書明正苦相招

太守劉景融之任滑臺索詩謹書此為贈
十年錦帶佩吳鉤曾翼龍驤控上游平日諸軍稱雅
厚老來五馬更風流宦遊喜在西溪卻閒譙欣同盡
舫秋歸鴈亭前問遺俗遲回初不為詩留

信察判士達來辭以贈言為榮因書此以
送且見予之儔行云

常憶終軍英妙年此時頭角見巉然百城望重非輕
責六品除新實美遷姦弊得情矜勿喜事機到手簡
為先河東說是懷思地未礙蘇章有二天

賦湖石得於汴梁

華陽萬石說卿雲族聚支分此遠孫疊障秀來雖掩
靄孤峰崛起更雄尊轉翻蒼背鱗猶動侍近紅雲色
尚溫覺我露堂光景麗洞庭秋氣鬱吟樽

和士觀見贈詩韻

鴻飛鷺散聚無時偶喜歸來共一池世路何心論薄
宦燈牕同業憶深資但教白壁無微玷問甚青雲有

素期却恐桐淮淮上月清光長使照朕離

春露堂三首

今年卜築露堂春頗覺吾廬發興新書帙盛陳欣有
託燕巢不定似嫌貧花枝照眼開還好竹樹當軒植
漸勻朝日兩竿濃睡覺不妨門外即囂塵
詩書真樂得新聞不羨軒車日過門薄宦到頭終外
物一閒入手是寬恩東山不厭蒼生望北海羞霜綠
蟻樽花草滿庭從爛熳最憂當路種蘭蓀
貧家營構不容常五十年來自此堂春露榜題應有
在慈親疑慕詎能忘華滋濡濕趨庭處風采依稀隨
目旁我老自強觀志行法然流涕撫青箱

送何叅政北上

世事雲翻不易裁君侯真是濟時材若論經制明公
道儘足扶持是憲臺霖雨終期賢相在秋風聊應鶴
書來草茅亦有雲霄望執法清光接上台

榦臣周君邂逅淇上作

燈燼紅垂綴玉蟲鵲聲傳喜下霜空故人遠自京圻
至青眼依然白髮同道在固常忘勢重官清還復坐
詩窮章章久說襄城政早晚褒書示至公

鄉人魏先生家藏樂天神一軸作二像對
立一則五十時容一則六旬後真也上有
樂天自贊別稱為蓬婆仙云三十年前屢
獲瞻拜近讀公長慶集偶記此畫為訪問
云已磨滅久矣遂詩以弔蓬婆洛南地名

魏家一軸樂天神三十年前繪色新欲就醉吟師格
律試尋縑素墮埃塵空留池上山中詠謾應花前月
下身官品文章吾敢觀似公真樂老能親

嘉禾篇并序

乙酉歲九月衛之南郊獲稼得嘉禾一莖
九穗和之至也田主李縣丞持以示余累
纍秀結小大連比誠可異也人用餘味忻
忭曷已作嘉禾篇重陽後二日序

天地深恩雨露零嘉禾還自氣和生九秋灑爽團孤
秀一穗功夫到九成太史書年同合穎漢庭稱瑞比
連莖表章莫後丹青賀人道豐穰是太平

種玉亭

徐子方宣慰有
詩因擬作三首

昆明雲錦壓凡材玉井移根手自栽不着詩仙分寶
供誰携仙子下瑤臺留連夜月娟娟淨披拂薰風細
細開不用葉浮滄海去芙蓉城闕有蓬萊
靈沼雲深寶氣存素蘂一夕發芳根烟中彷彿溪娘
語波面輕盈越女魂江月借裝增皓彩露華和屑貯
芳溫夜深更待瑤環供細挹秋香共一樽
休誇幻術有仙翁人定端能勝化工淑女固應歌窈
窕芳根元自雪玲瓏秋香入戶搖江羽羅襪凌波遠
漢宮莫西風吹易散世間聲色本來空

西村二詩

兩月秋零不出門今朝騎馬到西邨高穹氣肅雲歸
壑老樹風多葉擁根謾說田園宜野隱爭趨朝市羨

時奔古人大抵崇高節飢凍當時所不論
秋來泥潦擁柴門兩月幽棲不到邨野鳥畔耕翔水
滴寒蟲催織遠籬根有生未免有飢凍舉世其能息
競奔仕不力任閑不足一生心苦欲誰論

桃花菊四首一名臘脂紅

露洒明妃寄露葩換根非為貯丹砂黃輕白碎空多
種碧爛紅鮮自一家騷客賦詩憐晚節野人修譜是
頭九秋霜露無情甚時約行雲護彩霞
為厭秋容慘淡天故將濃艷發清妍烟霜輕拂吳姬
面丹臉能回白帝權寄傲儘凌青女肅開粧宜刺繡
衣鮮留連最是東籬蝶細繞芳叢兩翅翩
容色風流採潔蠲一枝紅雪秀霜天氣凌金井欄杆

曲香在紅鸞扇影邊塞上闕氏凝夜紫月中仙子怨
秋偏少陵若遇情增重肯教重岩細葉圓
葉細枝柔巧剪裁丹砂濃抹入鮮萋朱顏肯逐劉郎
老紅影晴圍葛井開慘淡秋容空野圃飄瀟風露際
天台晚涼更覺清香異不厭芳叢百匝來織

苦雨乙酉歲入秋以來晴霽止二日
雨已三月矣九月十六日作此

雲陰交會日長昏老雨瀟瀟晝掩門秋氣儘悲騷客
志草堂空在少陵樽寵光蘚蔓滋多碧蕪沒蘭蓀似
少思坐聽寒聲萬家裏幾多繒纈有冬溫
晴明無幾日朝濟雲不容同霧雨淒便着長風開白
日已令后土污黃泥冷翻幽壑潛蛟舞濕鎖喬林健
鷗棲萬象沉沉水光底幾時高樹看晴霓

火鳥翅濕日脚昏雨中跳蛙亂登門少陵悲嘆禾穗
黑元亮獨酌愁空樽氣惟協中乃成歲事至靈溢將
傷恩詩人吟咏何所補笑藝鑪火回春温

與諸君會飲中作

駕蹇從來策不前畏途有戒莫爭先但隨白傅看花
約宜信淵明止酒篇人笑苦吟疎巧宦天教多病護
殘年老夫歲暮歡雖鮮每對諸君一粲然

赴趙子儀飲會

忠烈祠前是舊盟一樽重約就門傾但成把臂論文
飲也勝拖泥帶水行樂事不應須節叙賞心最愜是
閒情一秋零雨朝來霽此會當題作喜晴

秋懷

醉頭扶起日三竿掃罷幽軒到藥欄傍架整齊書集
亂繞籬料理菊枝殘日融虛閣留餘暖雨積高空促
早寒處置身心閒裡過不將勲業鏡中看
老去逢秋強作懷莫教閒惱上心來人情寡味隨年
薄世事無端觸境開東閣謾傳梅信好西風時送鴈
聲哀客來茶罷無多話共赴秋陽曝背餘

弔王提舉柔克

乙酉九月四日
自經于關王廟

驚看神色自今秋奄奄殘魂到鬼幽叢簿未霜猶足
蔽事機已露欲誰尤百方作計難為地一意長歸是
徹頭昨日寢門臨弔處兩行衰淚不容流

前年除目儘多門獨喜南來弄竹孫入手固知餘利
孔刺頭何苦入膠盆海鷗枉訝多機客楚些難招不